

11

T 5236.03/401

11

11

HARVARD COLLEGE LIBRARY  
FROM THE  
HARVARD-YENCHING  
INSTITUTE  
MAR 1 1932

HARVARD COLLEGE LIBRARY  
FROM THE  
HARVARD-YENCHING  
INSTITUTE  
MAR 1 1932

文選卷第六

梁昭明太子蕭統選

明吳郡海鹽縣人

○贈劉琨

四言并序 琨字季子 太原 晉書 琨字季子 太原 晉書 琨字季子 太原 晉書

盧諶

故吏從事中郎盧諶死罪死罪 諶字季子 太原 晉書 諶字季子 太原 晉書

稟性短弱當世罕任因其自然用安靜退也 諶字季子 太原 晉書 諶字季子 太原 晉書

材之資處鴈之香鳴之分 木以不材而壽 鴈以不鳴而食 諶字季子 太原 晉書

愚者時時不免俄刻 諶字季子 太原 晉書 諶字季子 太原 晉書 諶字季子 太原 晉書

思惟因緣運會得蒙接事 諶字季子 太原 晉書 諶字季子 太原 晉書 諶字季子 太原 晉書

自奉清虛下今五 諶字季子 太原 晉書 諶字季子 太原 晉書 諶字季子 太原 晉書

言之清氣之也 諶字季子 太原 晉書 諶字季子 太原 晉書 諶字季子 太原 晉書

TRAVIS BOLLING QUAYMAN  
FROM THE  
HARVARD-YENCHING  
INSTITUTE  
MAR 1 1933

文選卷第六

梁昭明太子蕭統選

明吳郡張

張鳳書劉勰撰  
卷第六  
藏印

○贈劉琨

四言并書 琨路被劉總破敗遂將妻子往并州投琨後在段匹磾所憶琨前恩故贈此詩

盧諶

故吏從事中郎盧諶死罪死罪

琨嘗辟諶故稱故吏從諶

稟性短弱當世罕任因其自然用安靜退

任用在木闕不

材之資處鴈乏善鳴之分

木以不材而壽鴈以能鳴而全方之於木則闕其不材比之於

鴈則乏其善鳴也

卷異蘧子愚殊甯生

蘧伯玉邦無道則卷而懷之甯武子邦無道則愚

匠者時眇不免饌賓

言在木闕不材故匠者時眇

嘗自

思惟因緣運會得蒙接事

謂從事也

自奉清塵于今五稔

行必塵起不敢指斥尊者故假塵以謨明之效不著候人言之清尊之也稔熟也五稔五年也

之譏已彰。侯人荷戈於道路之人也言我謨明之大雅舍

弘量包山藪。大雅謂現也舍弘所容者大也言量度加以

待接彌優款眷逾昵與去聲運籌之謀厠讌私之歡款誠也

綢繆之旨有同骨肉綢繆纏絲也旨意也其為知己古人罔喻古人稱知

已者無有其比昔聶政殉嚴遂之顧荆軻慕燕丹之義意氣之間

糜軀不悔雖微達節謂之可庶聶政為嚴仲子刺韓相狹

王糜爛也二人皆以意氣相感糜爛其身而不然苟曰有

情孰能不懷故委身之日夷險已之言凡有情義及我者不能不懷其恩委身

之日謂事現時也夷險喻治亂也事與願違當忝外役遂去左右收迹府

朝蓋本同末異楊朱與哀始素終玄墨翟垂涕忝辱也外

碑去現之左右也收跡府朝謂現為司空三公府也楊朱見岐路乃歎曰本同末異人亦當然故興哀也墨翟見素

終而泣曰入玄則玄豈直絲染人亦有焉分垂之際咸可歎慨

致感之途或迫于茲亦奚必臨路而後長號觀絲而後歛

歛哉歛息也言自古分離事皆然至於感傷之道有逼迫於此者何必視岐路觀素絲而後悲哭哉奚何也歛

也是以仰惟先情俯覽今遇感存念亡觸物增眷先情謂已

者今遇謂見遇者易曰書不盡言言不盡意然則書非盡言之器

言非盡意之具矣况言有不得至於盡意書有不得至於

盡言耶不勝猥懣莫謹貢詩一篇抑不足以揄揚弘美亦

以攄其所抱而已猥懣猶煩怨也貢獻也揄引也揚說也

揚現之盛美但舒其所蘊而已若公肆大惠遂其厚恩錫以咳唾之音慰

其違離之意肆展也咳唾之音謂幸現答詩也則所謂咸池酬於北里夜

光報於魚目咸池堯樂北里紉樂夜光寶珠也言現能諶酬詩是以雅樂寶珠而報其淫聲魚目也

之願也。非所敢望也。謹死罪死罪。

濟哲惟皇。紹熙有晉。振厥弛維。光闡遠韻。有來斯雍。至止

伊順。言懷帝有深智能與晉也三台擣朗。四岳增峻。其一三台星名其色齊明則君臣和

也。喻現。伊陟佐商。山甫翼周。伊陟殷賢臣也仲弘濟艱

難。對揚王休。苟非異德。曠世同流。加其忠貞。宣其徽猷。其二

言現之德不異於昔賢。雖與之曠世若同一流。微美也。猷道也。伊謚陋宗。昔邁嘉惠。申以

婚姻。著以累世。陋宗謂甲陋之姓。邁遇也。婚。姻。謀。妹。嫁。現。弟。也。義等休戚。好同興

廢。孰云匪諧。如樂之契。其二諧和也。契合也。王室喪師。私門播遷。王

晉室也。喪師。劉聰破洛陽也。望公歸之。視險忽艱。左傳晉趙孟曰。望楚而歸之。視遠如邇。吳

質與曹丕書曰。視險若夷。忽易也。茲願不遂。中路阻顛。仰悲先意。俯思身

愆。其四阻顛。謂謀父為劉粲所害。仰悲。其父母遇害之事。乃身之過也。大鈞載運。良辰遂往。

瞻彼日月。迅過俯仰。大鈞。造化也。運。移也。感今惟昔。口存心想。借曰

如昨。忽為疇曩。其五感傷今時。思昔在現處不離。心口借假也。疇曩。久遠也。疇曩伊何。

逝者彌踈。言已往者益踈也。温温恭人。慎終如初。恭人。謂現終如初。不變易也。

覽彼遺音。恤此窮孤。譬彼膠木。蔓葛以敷。其六遺音。謂現自謂也。恤。憂也。膠木。喻現也。詩曰。南有膠木。葛藟纍之。妙

哉。蔓葛得託膠木。葉不雲布。華不星燭。承侔卞和。質非荆

璞。不雲布。謂踈薄也。不星燭。謂未光明也。侔。齊也。卞和。識玉者。言現奉已如卞和之愛玉而已之質。非荆山之璞也。

也。眷同尤良。用乏驥騾。其七尤良。王良也。良。即郵無恤。尤

王良之眷。而承亦既篤。眷亦既親。飾獎駑猥。方駕駿珍。駑。駕

才非駿馬也。喻已也。駿。珍。喻賢良也。方。齊也。言待已親厚。所以忘其猥駑。而比之駿珍也。弼諧靡成。良謨莫

陳。無覲狐趙。有與五臣。其八尚書曰。謨。弼。諧。靡。成。無。成也。五臣之從。晉文猶謀之事。劉氏

也。五臣之從。晉文猶謀之事。劉氏

今不敢望同狐趙之立功而五臣奚與契闊百離奚何也

有志與五臣俱履危厄也百憂也言我何以此於五臣蓋五臣與文身經險阻足蹈

幽遐義由恩深分隨昵加綢繆委心自同匪他其九昵近也言蒙親

愛委心於琨昔在暇日妙尋通理尤彼意氣狹是節士情

以體生感以情起言昔嘗責意氣之人輕節烈之士今乃

趣舍罔要窮達斯已其十言既感恩故趣舍無由余片言

秦人是憚由余戎王臣也使秦穆公難之由余答日磻效

忠飛聲有漢金日磻本匈奴休屠王太子武帝拜為侍中

來牧幽都濟厥塗炭其十一匹磻為撫軍幽州刺史塗炭

既濟寇挫民阜阜盛謬其疲隸授之朝右朝右謂上懼任

大下欣施厚實祗高明敢忘所守其十二欲有高明之譽

其職也相彼反哺尚在翔禽孰是人斯而忍斯心斯心謂謹

之心也每憑山海庶覲高深山海以喻琨也李斯曰太山不

細流故能遐眺存亡緬成飛沉其十三長徽已纓逝將徒舉

成其深也雖欲逝而從琨勢有不能徒然飛舉也收跡西踐銜哀

東顧曷云塗遼曾不咫尺八尺豈不夙夜謂行多露其十四

言貞女以露多而不往喻已懼威而不行也緜緜女蘿施于松標女蘿自喻松

末稟澤洪幹晞陽豐條幹本也根淺難固莖弱易彫操彼

織質承此衝飈其十五操執也織質謂微能也織質寔微

衝飈斯值誰謂言精致在賞意莊子曰可以言論者物之

也精者不見得魚亦忘厥餌餌猶筌也遺其形骸寄之深

識其十六言忘形而賞心也先民頤意潛山隱几先民謂古人也頤養也

郭子綦也仰熙丹崖俯澡綠水無求於和自附衆美也

澹然無欲而衆美從之者也慷慨遐蹤有愧高旨其十

喻近也楚惟同大觀萬塗一轍死生既齊榮辱奚別以大

道律之則榮辱死生處其玄根廓焉靡結其十八張衡玄

之類自然之根廓空也福為禍始禍作福階即相為倚

地盈虛寒暑周迴周易曰天地盈虛與時消息又曰寒

差不祀爨在勝齊句踐作伯祚自會稽其十九吳王夫差

為句踐所滅故曰不祀句踐先為夫差所敗棲于會稽而

而後滅吳是棲會稽為滅吳之福也爨禍端也祚福也

矣達度唯道是杖形有未泰神無不暢如川之流如淵之

量邈遠也上弘棟隆下塞民望其二十周易曰棟隆之吉

侯曰夫君神之主而民之望也此以美琨也塞滿也左氏傳師曠謂晉

○答盧謨四言并書永嘉中為并州刺史與盧志親善

求為別駕謨賡詩與琨故有此答

劉琨琨字越石中山

琨頓首損書及詩備辛酸之苦言暢經通之遠旨執玩反

覆不能釋手慨然以悲歡然以喜昔在少壯未嘗檢括法

約束也括遠慕老莊之齊物近嘉阮生之放曠怪厚薄何從

而生哀樂何由而至老莊老聃莊周也莊子有齊物論阮

哀樂自頃軫張困於逆亂軫張驚國破家亡親友彫殘劉

關心劉自頃軫張困於逆亂懼貌國破家亡親友彫殘劉



行吟則百憂俱至。塊然獨居貌哀謂哀國家時復相與舉

觴對膝。破涕為笑。排終身之積慘。求數刻之暫歡。譬由疾

疾彌年而欲一丸銷之。其可得乎。慘憂也數刻謂少時也銷除也夫才生

於世。世實須才。和氏之璧。焉得獨曜於郢。握夜光之珠。何

得專玩於隨。掌天下之寶。固當與天下共之。郢楚也隨隨侯也此喻謀

不得獨留於琨處也但分析之日。不能不悵恨爾。然後知聃周之為

虛誕。嗣宗之為妄作也。聃周老聃名也昔騶驥倚輈於吳阪。鳴於

良樂。知與不知也。戰國策楚客謂春申君昔騶驥駕鹽車而鳴之知伯樂知已也

而鳴之知伯樂知已也輈輈也。寘零坂在吳城之北。今謂之吳坂。良無遇驥之事。因伯樂而連言之。此喻琨不能知

謹而匹礪。百里奚愚於虞而智於秦。遇與不遇也。今君遇

之矣。勗之而已。今君遇之謂謀見用於匹礪也不復屬意於文。二十餘年

矣。久廢則無次序也。想必欲其一反。故稱赤指送一篇。適

足以彰來詩之益美耳。琨頓首頓首。謀寄詩於琨亦思琨一反報也琨故爾謀

意報此一篇言已詩函拙但益明來詩之美

厄運初邁。陽爻在六。邁遇也在六為乾卦第六畫辭云亢龍有悔喻天子運極而有窮厄也

乾象棟傾。坤儀舟覆。天傾地覆言極亂也棟舟喻言也橫厲糾紛。羣妖競

逐。橫厲縱橫猛厲也糾紛亂貌羣妖謂劉聰等火燎神州。洪流華域。火燎洪流喻亂若水

火之為害也神州華域皆指中國也彼黍離離。彼稷育育。哀我皇晉。痛心在

目。其一離離育育生長貌皇大也哀我大地天地無心。萬物

同塗。禍淫莫驗。福善則虛。尚書曰天道福善禍淫今盜賊受福晉室受殃故此言虛而不

也。逆有全邑。義無完都。英藥夏落。毒卉冬敷。逆指作亂者而言義指勤

王者而言有全邑謂雄據也無完都皆殘破也英藥喻賢良也毒卉喻亂賊也夏落謂當夏而落喻賢者天亡冬敷

謂至冬尚榮如彼龜玉韞積毀諸龜玉謂國寶也韞藏也芻狗之談

其最得乎其二老子曰天地不仁以萬物為芻狗聖人不仁以百姓為芻狗芻狗也其始也被文繡

齋戒以將之及其已陳行者踐首樵者取爨亦猶晉盛為人所貴及衰為人所弃也此言驗於此時故云最得咨

余軟弱弗克負荷愆釁仍彰榮寵屢加威之不建禍延凶

播音波叶韻愆過也釁瑕也榮寵屢加謂為太尉忠墮于

國孝愆于家斯罪之積如彼山河斯釁之深終莫能磨其三

郁穆舊姻嬾婉新婚現妻即謀之從母也故云舊不慮其

敗惟義是敦裹糧携弱匍匐星奔敦勉也謂謀昔不憂敗亂勉力於義提携父母

未輟爾駕已隳我門二族偕覆三孽並根投於現星奔匍匐言困而急也

長慙舊孤永負冤寃二族謂現謀兩家俱被滅亡也三孽謂劉聰劉曜劉粲也同宗故云並根

亭亭孤幹獨生無伴綠葉繁縟柔條脩罕亭亭孤直貌以喻謀幹謂

朝採爾實夕捋爾竿公旦切叶竿翠豐尋

逸珠盈椀等木挺也豐尋言節長盈尋也豐滿也八尺曰椀寔

消我憂憂急用緩逝將去矣庭虛憤滿其五去謂之匹碑

虛滿伊何蘭桂移植茂彼春林瘁此秋棘春林

有鳥翻飛不遑休息匪桐不

棲匪竹不食鳥謂鳳以喻謀也永戢東羽翰撫西翼載斂也東謂

我之敬之廢歡輟職其六輟止也廢歡音以賞奏

味以珠珍文以明言言以暢神之子之往四美不臻音聲

澄醪覆觴識者所奏滋味以殊異而見珍文章以明其言

絲竹生塵素卷莫啓幄無談賓既孤我德又闕我隣其七

去則德孤而隣闕矣光光段生出幽遷喬資忠履信武烈論語

文昭段生匹

旌弓駢駢輿馬翹翹

旌弓皆招賢之物駢駢調利也

乃奮長

縻是轡是鑣何以贈子竭心公朝何以敘懷引領長謠其

長縻喻厚祿也以厚祿縻諶也鑣馬勒傍鐵也

敘懷敘已懷也引領謠延頸望諶而長歌也

劉琨

○重贈盧諶五言前詩未盡復有此贈然惟首二言美諶中皆自敘而勉諶意在言外

握中有懸璧本自荆山璆懸璧縣黎以為璧荆山惟彼太

公望昔在渭濱叟平聲鄧生何感激千里來相求鄧生鄧禹也

白登幸曲逆鴻門賴留侯曲逆陳平所封也重耳任五賢小

白相射鉤左氏傳曰晉公子重耳之及於難也遂奔狄從者狐偃趙衰顛頡魏武子司空季子此五人賢而有功小白齊桓公名也乾苟能隆二伯安問黨與讎二伯時之役管仲射桓公中鉤

晉文齊桓也黨謂五賢讎謂管仲也中夜撫枕歎想與數子游吾衰久矣夫

何其不夢周數子謂太公以下也論語甚矣誰云聖達節

知命故不憂宣尼悲獲麟西狩涕孔丘哀公十四年春西狩獲麟孔子曰孰

謂來哉反袂拭面涕泣沾袍宣尼孔功業未及建夕陽忽

西流時哉不我與去乎若雲浮朱實隕勁風繁英落素秋

功業不建而歲不我與非不可以舍狹路傾華蓋駭駟摧

雙軛狀奔何意百鍊剛化為統指柔言屢遭摧折

贈崔溫五言崔悅字道儒溫嶠字太真

盧諶

逍遙步城隅暇日聊浮豫北眺沙漠垂南望舊京路沙漠

也垂邊也舊京洛陽也平陸引長流岡巒挺茂樹中原厲

迅飈山阿起雲霧游子恒悲懷舉目增永慕良儔不獲偕

舒情將焉訴。謀旅宦幽州故云游子借俱也遠念賢士風遂

存往古務。朔鄙多俠氣。豈惟地所固。鄙邊也言朔邊非但地之堅固亦有游俠

之氣。李牧鎮邊城。荒夷懷南懼。李牧者趙之北邊良將也常居鴈門破匈奴十餘萬騎匈奴不敢近邊

故云懷南懼。趙奢正疆場。亦秦人折北慮。趙奢趙之田部

奢將救之大敗秦軍秦軍解而走折北慮謂秦軍自摧無侵北之慮也以李趙喻匹礮也。羈旅及寬政。

委質與時遇。左氏傳齊侯使敬仲為卿辭曰羈旅之臣幸若獲宥及於寬政君之惠也謀自云寄客於

匹礮得委身事之是與時遇也。恨以鴛鴦姿。徒煩非子御。非子居大丘好馬善養息之大

丘人言之周孝王召使主馬于汧。亦既弛負擔。忝位宰黔

庶。苟云免罪戾。何暇收民譽。左氏傳陳公子完曰免於罪戾弛於負擔倪寬以

殿黜。終乃最眾賦。倪寬遷左內史時裁闕狹與民相假貸以租多不入後有軍發左內史以負租

課殿當免皆恐失之。大家牛車小家擔負輸。何武不赫赫。

遺愛常在去。何武為楚內史居官無赫赫之名去後常見思古人非所希。短弱自

有素。何以敷斯辭。惟以二子故。古人謂倪寬何武希望也短弱謙自謂也有素謂素

有仁厚之性敷布也二子崔温也以知我情故有此辭

答魏子悌。五言魏子悌亦為劉琨從事與謙同官

盧謙

崇臺非一榦。珍裘非一腋。慎子曰廊廡之材非一木之枝狐白之裘非一狐之皮治亂安

危存亡榮辱之施非一人之力。腋在肘後。多士成大業。羣賢濟弘績。遇蒙時來

會。聊齊朝彥跡。言所遇榮寵乃蒙時來之會朝謂琨府朝也彥謂悌也言我遇時得與悌齊跡事琨

顧此腹背羽。愧彼排虛翮。韓詩外傳曰晉平公游於河而歎曰安得賢士與之樂此也船

人孟胥跪而對曰主君殆亦不好士耳。今夫鴻鵠一舉千里。所恃者六翮耳。背上之毛腹下之毛。毳益一把。飛不為加。

高擯一把。飛不為加。下今君之食客門左右各千人。亦有六翮在其中矣。將皆背上之毛腹下之毛。毳耶。謙自言我腹

背之毳愧對寄身蔭四岳託好憑三益四岳諸侯謂劉琨也三益謂勞也

傾蓋雖終朝大分邁疇昔傾蓋終朝言邂逅也至於大義實過舊交在危每同

險處安不異易以赤切叶俱涉晉昌艱共更飛狐厄音昌郡名為石勒所

攻飛狐塞名嘗為賊所得劉琨與謀悌往伐之為賊所敗奔安次故同險難也恩由契闊生義隨

周旋積豈謂鄉曲譽謬充本州役而謬充此幽州別駕也

匪曰形骸隔妙詩申篤好清義貫幽蹟恨無隨侯珠以酬

荆文璧謬充本州役乖離令我感悲欣使情惕理以精神通

荆文璧謬充本州役乖離令我感悲欣使情惕理以精神通

○答靈運五言靈運先寄愁霖詩於瞻故有此答靈運蓋宣遠從弟也

謝瞻

夕霽風氣涼閑房有餘清開軒滅華燭月露皓已盈獨夜

無物役寢者亦云寧孫卿子曰是謂以已為物役也忽獲愁霖唱懷勞奏

所成愁霖謂靈運所寄也懷勞謂思勛勞書其所成之詩也歎彼行旅艱深茲眷言

情靈運既歎行旅復深懸瞻伊余雖寡慰殷憂暫為輕牽率酬嘉藻長

揖愧吾生言我情雖不安為得靈運詩而殷憂之情暫為輕也牽率猶云牽強而草率也

於安城答靈運五言瞻為安城守靈運見贈故有此答

謝瞻

條繁林彌蔚波清源逾濬華宗誕吾秀之子紹前胤誕大

美也胤嗣也之子謂靈運也綢繆結風徽網緼吐芳訊鴻漸隨事變雲

臺與年峻其一微善也謂風雅相善也網緼和氣也訊問也謂贈詩也鴻漸以喻仕進雲臺以喻爵位

華萼相光飾嚶鳴悅同響華萼喻兄弟也嚶鳴兩鳥之聲也言我與爾文章相和亦猶鳥

之鳴而悅其同聲也親親子敦余賢賢吾爾賞比景後鮮輝方年一

其同聲也

親親子敦余賢賢吾爾賞比景後鮮輝方年一

親親子敦余賢賢吾爾賞比景後鮮輝方年一

親親子敦余賢賢吾爾賞比景後鮮輝方年一

日長此光景則汝在後而有光 萎葉愛榮條。涸流好河廣。

其二萎葉涸流自喻也 榮條河廣喻靈運也。 殉業謝成操。復禮愧貧樂。殉營幸

會果代耕。符守江南曲。凡為郡守分竹符安 履運傷荏苒。

遵塗歎緬邈。在再流易也 布懷存所欽。我勞一何篤。其肇

允雖同規。翻飛各異槩。肇始也允信 迢遞封畿外。窈窕承

明內。宣遠為安城守故云封畿外靈運為秘書 尋塗塗既

朕。即理理已對。外內殊職是塗朕也 絲路有恒悲。矧迺在

吾愛。其四揚朱墨翟感於素絲 跬行安步武。鍛翮周數

仞。跬行足也言行不 豈不識高遠。違方往有吝。歲寒霜雪

嚴。過半路逾峻。言我豈不知高遠之美但儼等而進有悔

峻險 量已畏友朋。勇退不敢進。詩云豈不欲 行矣勵令猷。

寫誠酬來訊。其五言勉汝善道寫我誠心以酬其來問也

西陵遇風獻康樂。五言靈運襲封康樂侯惠連是弟故云獻也西陵謂所居之西也

謝惠連

我行指孟春。春仲尚未發。趣徒遠有期。念離情無歇。成裝

候良辰。漾舟陶嘉月。指擬也成裝謂裝束成 瞻塗意少悰。

還顧情多闕。其一悰 哲兄感化別。相送越桐林。凡謂靈運

子言。眷眷浮客心。迴塘隱艫楫。曳 遠望絕形音。其二留子

也浮游也浮客惠 靡靡即長路。戚戚抱遙悲。悲遙但自弭。

路長當語誰。弭止也言悲但自 行行道轉遠。去去情彌遲。

昨發浦陽汭。今宿浙江湄。其三浦陽浙 屯雲蔽曾嶺。

遲留 也

驚風涌飛流。零雨潤墳澤。落雪灑林丘。蔽障也。曾嶺高山也。飛流謂浪起也。

落雪謂二月半時尚有餘雪也。浮氛晦崖巘。積素感原疇。曲汜薄停旅。通

川絕行舟。其四泊與薄古字通。積素謂雪也。感亂也。雪積故亂原野也。薄停旅絕行舟謂舟皆停止也。

臨津不得濟。佇楫阻風波。蕭條洲渚際。氣色少諧和。西瞻

興游難。東睇起悽歌。津濟渡處。佇久立也。氣色少和。諧謂風雪錯迕也。西瞻東睇徘徊悽望也。

積憤成疾疴。晦無萱將如何。其五萱草可以忘憂。憂不能忘故云無萱。

還舊園作見顏范二中書。五言顏延之范泰俱為中書侍郎舊園即會稽始寧

之園也

### 謝靈運

辭滿豈多秩。謝病不待年。偶與張邴合。久欲還東山。張良從赤

松子學道輕舉邴漢有清行兄子曼容亦養志自修為官不肯過六百石輒自免去東山謂會稽始寧也言我偶與

二賢合意輒自免官歸也聖靈昔廻眷。微尚不及宣。何意衝飈激。烈火

縱炎煙。焚玉發峴峯。餘燎遂見遷。聖靈謂宋太祖也。廻眷謂眷顧已也。微尚即欲

還也。宣寫也。徐羨之等為亂殺廬陵王并及賢良。故云焚玉羨之等出靈運為永嘉太守故云見遷。投沙理

既迫。如叩願亦愆。賈誼諫居長沙司馬長卿如臨叩言我被遷既逼迫歸願亦失也。長與

歡愛別。永絕平生緣。浮舟千仞壑。總轡萬尋巔。千仞壑謂江也。萬尋謂

巔謂山也。言所歷危險。流沫不足險。石林豈為艱。列子曰孔子觀於

流沫三十里石林險山也。以此比所經歷之處未足為艱難。閩中安可處。日夜念歸旋。

閩中東越也。事蹟兩如直。心愜三避賢。論語直哉史魚邦有

史記孫叔敖相楚三去相而不悔知其非已罪也。三避三黜也。託身青雲上。栖巖挹飛泉。

託寄也。青雲上言所居高也。挹酌也。飛泉石上泉也。盛明盪氛昏。貞休康屯遭。殊方

感成貸。微物豫采甄。盛明貞休謂太祖也。言以盛明而盪氛昏以正道而康屯遭也。太祖登祚

徐羨之等徵靈運為秘書監再召不起上使光祿大感深

夫范泰與靈運書敦獎之故云豫采甄也甄猶錄也

款然曩基即先築故池不更穿語往謂昔有此語款然謂

不加其穿築也果木有舊行壤石無遠延如其所欲言昔隱居之處

聊取永日閑衛生自有經息陰謝所牽衛生謂衛護其生

務也牽謂俗夫子照情素探懷授往篇夫子謂

登臨海嶠初發疆中作與從弟惠連見羊何共和之

五言臨海郡名嶠山頂也疆中地名羊羊疇何何

謝靈運

杪秋尋遠山山遠行不近與子別山阿含酸赴修畛中流

袂就判欲去情不忍畛井田間顧望脰豆未愴於江曲舟

已隱脰頸也愴疲也江曲舟言相望隱江絕望舟驚棹

逐驚流欲抑一生歡并奔千里游日落當棲薄繫纜臨江

樓豈惟夕情斂憶爾共淹留言夕色雖斂轉淹留昔時歡

復增今日歎茲情已分慮况乃協悲端今昔之情既已分

秋色也秋泉鳴北澗哀猿響南蠻戚戚新別心悽悽久念攢

其憂傷皆攢聚也攢念攻別心旦發青谿陰暝投剡中宿

明登天姥岑青谿谿名暝暗也剡中縣高高入雲霓還期

那可尋入雲霓言高也那儻遇浮丘公長絕子徽音列仙

王子喬好吹笙道人浮丘公接以上嵩

酬從弟惠連西陵遇風獻詩也

謝靈運



寢瘵謝人徒滅迹入雲峯。瘵病也巖壑寓耳目歡愛隔音容。

永絕賞心望長懷莫與同末路值令弟開顏披心胃。其一未路

晚節也寄情山水歡愛久隔晚年始得逢令弟開解我心胃也令弟謂惠連也心胃既云披得意

咸在斯凌澗尋我室散帙問所知夕慮曉月流朝忌曛日

馳。散帙謂開書帙也問所知相問難也朝早也忌畏也曛日晚也言夜則達旦朝則至夕而未倦也悟對

無厭歇聚散成分離。其二悟言相對本無厭倦但人理有聚散故成分離耳分離別

西川迴景歸東山別時悲已甚別後情更延傾想遲去嘉

音果枉濟江篇。西川即惠連別處也東山靈運所居也遲待也濟江篇惠連與靈運詩也辛勤

風波事款曲洲渚言。其三洲渚既淹時風波子行遲務協華

京想詎存空谷期猶復惠來章祗足攪余思儻若果歸言

共陶暮春時。其四務趣也華京猶京華也言詩意但合遊宦不存山谷故祗足亂我志也果歸言惠連

別時有歸言也此言如暮春雖未交仲春善遊遨。未交謂未及暮

春也山桃發紅萼野蕨漸紫苞。蕨山菜也初生紫苞也鳴嚶已悅豫幽居

猶鬱陶。山鳥和鳴既已悅樂而我幽居之思猶未已也夢寐佇歸舟釋我吝與勞

其五陳蕃周舉嘗相謂曰數日之間不見黃生則鄙吝之萌復存乎心毛詩曰豈不爾思勞心忉忉故云吝與勞

贈王太常五言王僧達也

顏延之

玉水記方流璇源載圓折。尸子曰凡水其方折者有蓄寶玉其圓折者有珠折曲也蓄寶

每希聲雖秘猶彰徹。喻君子之道聆龍際九淵聞鳳窺丹

穴。聆聽也際察也音砌九淵九淵重之淵也丹穴鳳鳥所出也歷聽豈多工唯然觀世哲

舒文廣國華敷言遠朝列。言歷聽罕有工於文者獨見僧達為當世之哲舒其文章布其

言論可以廣國家之美而超出朝士之上耳德輝灼邦懋芳風被鄉羣茂盛也

耆老也言德輝可曜邦側同幽人居郊扉常晝閉音驚側

謙詞也邑外曰郊扉門扉也言我林間時晏開音器迴長

者轍陳平門外多長者車轍林間里門晏晚也亟數庭昏

見野陰山明望松雪靜惟浹羣化徂生入窮節惟思也浹

也靜思萬化傷我既往豫往誠歡歌悲來非樂闕豫樂也

日奏樂而喜曲終而悲此言歡踪已屬美謝繁翰遙懷具

短札屬猶綴也謝猶慙也懷思也愧我無繁濤之翰

夏夜呈從兄散騎車長沙五言延年從兄散騎字

顏延之

炎天方埃鬱暑晏闕塵紛闕息也言炎熱時塵獨靜闕偶

坐臨堂對星分偶對也周禮側聽風薄木遙睇月開雲夜

蟬當夏急陰蟲先秋聞薄激也蟋蟀之蟲隨陰迎陽故歲

候初過半荃蕙豈久芬屏居惻物變慕類抱情殷屏退也

也謂敬宗九逝非空思七襄無成文楚辭九一夕而九逝

仲遠也直東宮答鄭尚書五言鄭鮮之字道子高祖踐祚遷

日七襄雖則七襄不成報章襄反也言我魂一夕九往

豈空自悲思所思者君也但恨七反而不成文章耳

有此贈答

顏延之

皇居體環極設險祗天工皇居天子居也體象也象眾星

猶敬也工事也言兩闈阻通軌對禁限清風兩闈謂皇宮

守衛者敬其事也歧予旅東館徒歌屬南墉躡也

軌道也俱在禁省故云對寢興鬱無已起觀

禁也限清風謂不見鄭也也謂注意也尚書為中臺在南曰南墉

旅客也東館謂東宮舍人之居也屬注

辰漢中。辰房心尾也流雲藹青闕。皓月鑒丹宮。踟躕清防

密。徒倚恒漏窮。流雲行雲也藹暗也闕樓也鑒照也踟躕

也漏刻漏也漏盡君子吐芳訊。感物惻余衷。惜無丘園秀。

景行彼高松。君子謂鄭也芳訊謂所贈詩也惜傷也高松

知言有誠實。美價難克充。謂鄭所贈詩有誠信我之美也何以

銘嘉貺。言樹絲與桐。銘記也貺賜也樹絲桐言

和謝監靈運五言監秘書書監也和前

顏延之

弱植慕端操。窘步懼先迷。左傳子產如陳曰其君弱植植

寡立非擇方。刻意藉窮棲。寡立猶云獨立也方所向

伊昔邁多幸。秉筆侍兩闈。秉執也士

子曰臣秉筆事君兩闈謂上臺及東宮也雖慙丹腹施。未謂玄素睽。音奎丹腹

睽異也言雖蒙榮祿之施終不異素絲之操也彼遭良時詖。王道奄昏霾。音埋

絕言時亂不獲祭享也朋人神幽明絕。朋好雲雨乖。音明

好各出如雲雨乖離也平屈汀洲浦。謁帝蒼山蹊。謂之

聽緒風攀林結留夷。音啼緒風相續不斷之風跂予間衡

嶠。曷月瞻秦稽。衡山名也山銳而高曰嶠皇聖昭天德。豐

澤振沈泥。皇聖謂文帝也惜無雀雉化。何用充海淮。雀入於海為

去國還故里。幽門樹蓬藜。采茨葺昔宇。翦棘開舊畦。去

謂去始安也葺葺也言采茅修物謝時既晏。年往志不偕。

謝去也楚辭曰年洋洋而日親仁敷情昵。興玩究辭悽。

往言年已往志不能遂也

謂靈運也。昵近也。言靈運之詩布情相近而我與玩有以究其辭之悽切。芬馥歇蘭若。清越奪琳珪。越猶揚也。蘭若香草。琳珪美玉也。言靈運之詩芬芳可以欺香草之氣。清越可以奪美玉之音。盡言非報章。聊用布所懷。其詩聊自布懷抱耳。

○答顏延年

五言

王僧達

僧達琅邪人也。少時好學。善屬文。為始興王行府參軍。稍遷至中書令。

長卿冠華陽。仲連擅海陰。

也。擅專也。海陰海西畔也。珪璋既文府。精理亦道心。珪璋玉也。文府謂也。華陽益州縣名。仲連魯仲連。

也。擅專也。海陰海西畔也。

珪璋既文府。精理亦道心。

珪璋玉也。文府謂也。華陽益州縣名。仲連魯仲連。

謂精微之珪也。

君子聳高駕。塵軌實為林。

君子謂延年聳高駕言與二賢並駕也。塵軌僧

達自謂也。為林言與為侶也。

崇情符遠迹。清氣溢素襟。

崇高也。符同也。素冲澹也。高情

同往賢之迹而清淑之氣盈於冲澹之心。

結游畧年義。篤顧弄浮沉。寒榮共偃

曝春醞。時獻斟。

畧年義言忘年也。篤厚也。浮沉猶盛衰也。曝春醞。春言不以盛衰為念也。榮屋南簷也。偃曝

偃臥而曝背也。時獻斟言共杯酒之歡也。

聿來歲序暄。輕雲出東岑。

暄暖也。東岑東山也。

麥壟多秀色。楊園流好音。

楊楊柳也。流好音謂春鳥聲。

歡此乘日暇。忽

忘逝景侵。

乘暇日暑歡而不知老之將至。

幽衷何用慰。翰墨久謠吟。

言頌

之翰墨以自慰。

棲鳳難為條。淑貺非所臨。

鳳非梧桐不棲。故曰難為條。淑善也。貺賜也。不

敢當所贈之詩也。

誦以永周旋。匣以代兼金。

兼金倍價之金也。言誦周旋珍藏之於

也。匣

○郡內高齋閑坐答呂法曹

五言宣城郡也。呂僧珍齊王法曹也。先有贈故答之

謝朓

結構何迢迢。曠望極高深。

結構謂屋宇也。

窻中列遠岫。庭際俯喬

林。日出眾鳥散。山暝孤猿吟。

已有池上酌。復此風中琴。池

謂致琴風中令自鳴也。

非君美無度。孰為勞寸心。無度謂不

可量也言非君懷不可惠而能好我問以瑤華音惠愛也  
量誰能勞心以詩贈我問遺也  
瑤華玉也言能以恩若遺金門步見就玉山岑金門謂金  
好好故遺我玉音也馬門也玉  
山西王母所居者

○在郡臥病呈沈尚書五言沈尚書約也

謝眺

淮陽股肱守高臥猶在茲漢書季布為河中守上召布曰  
拜汲黯為淮門太守黯不受上曰吾河東吾股肱郡故時召君耳又  
徒得君重臥而治之茲謂在淮陽也况復南山曲何異幽

棲時連陰盛農節笠笠聚東籟南山曲以宣城郡在山  
此山曲與幽棲無異乎連陰久雨也農節農時曲也言淮陽猶臥理况  
也笠以禦日笠以禦雨東東皐也蓄耕田也高閣常晝

掩荒階少諍辭枕簟清夏室輕扇動涼颺嘉魴聊可薦綠

蟻方獨持諍訟也簟竹席颺風也魴魚名綠蟻夏李沈朱

酒也言郡內無事但為飲宴而已

實秋藕折輕絲良辰竟何許夙昔夢佳期坐嘯徒可積為

邦歲已恭南陽太守成瑨任功曹岑暉時人為之語絃歌

終莫取撫枕令自嗤言我無絃歌之化見取於人

○暨使下都夜發新林至京邑贈西府同僚五言謝眺

隆文學子隆在荊州好辭賦數集僚友眺以才高

尤被賞愛長史王秀之以眺年少密以啓聞世祖

謝眺

大江流日夜客心悲未央徒念關山近終知返路長秋河

曙耿耿寒渚夜蒼蒼秋河天引領見京室宮雉正相望平

京室謂齊郡丹陽也三金波麗鳩鵲玉繩低建章金波月

版曰雉宮雉宮墻也星名鳩鵲觀也麗猶附也建章宮名低謂星下於宮也驅車鼎門外思見昭丘陽春

成王定鼎于郊。鄜其南門名定鼎門。蓋九鼎所從入也。昭丘楚昭王之墓也。馳暉不可接。何況

隔兩鄉。馳暉日也。且暮日光馳度尚。風雲有鳥路。江漢限

無梁。常恐鷹隼擊。時菊委嚴霜。寄言尉羅者。寥廓已高

翔。古者鷹隼擊然後尉羅設。今鳥既高翔則雖尉羅將安所施。喻讒人將害已而已不為所害也。

○酬王晉安五言晉安郡即今泉州也郡守王德元

謝眺

稍稍枝早勁。塗塗露晚晞。稍稍言衆樹皆如此。塗塗路也。塗塗言各路皆如此。

也。南中榮橘柚。寧知鴻鴈飛。列子曰吳越之國有木焉。其名曰柚。碧樹而冬生。鴻

鴈南棲衡陽不至。晉安境故曰寧。拂霧朝青閣。日旰坐彤

闈。拂霧言早也。青閣朝也。旰旦也。彤闈官門也。悵望一塗阻。參差百慮依。春草

秋更綠。公子未西歸。楚辭王孫遊兮不歸。春草生兮萋萋。言春草萋萋故王孫樂之而不反。今

春草秋而更綠。公子尚未西歸。公誰能久京洛。緇塵染素衣。  
○奉答內兄希叔五言顧昉字希叔邵陵王國常侍厥之內兄也

陸厥厥字韓卿吳人

嘉惠承帝子。躡履奉王孫。厥以竟陵王舉秀才遷太子。太傅功曹掾故云帝子王孫。

躡履猶云躡躡也。屬叨金馬署。又點銅龍門。叨金馬署點銅龍門。謂為太子太傅功曹。

掾也。點出入平津邸。一見孟嘗尊。公孫弘封平津侯。喻太

琴曰孟嘗之尊乃如歸來翳桑柘。朝夕異涼溫。其一歸來

是故此云孟嘗尊。歸來翳桑柘。朝夕異涼溫。謂歸私家

翳猶依也。涼。殂落固云是。寂蕤終如斯。殂落猶彫落也。杜

門清三徑。坐檻臨曲池。杜塞也。蔣詡門有三徑。檻欄楯也。杜

也芰荷水草也嘯鳴也參差初生不齊也田田蓮春華與葉貌風吹水成文曰漣漪以上其一其二厥自述

秋實庶子及家臣刑顯為平原侯植家臣庶子劉楨書諫植曰家丞刑顯北土之彥而禮反疎簡

私懼觀者將謂君侯采庶子之春華忘家丞之秋實謂希叔為邵陵王常侍故有此言王門所以貴

自古多俊民言王門之所以貴者貴其多賢也離宮收杞梓華屋富徐陳

離宮指邵陵王宮也杞梓良材也魏文帝為五官中郎將時友徐幹陳琳此言王多佳友也

苑日入伊水濱其言希叔晨夕侍游書記既翩翩賦歌良非一皆美希叔也

能妙絕魏文帝與吳質書曰公幹五言詩之善相如慙温者妙絕時人元瑜書記翩翩致足樂之

麗子雲慙筆札慙慙也相如司馬長卿也子雲谷永也漢書谷子雲之筆札言此二人皆有愧于希

也駿足思長阪柴車畏危轍駿足喻希叔柴車自喻也思長阪欲騁其足也柴車弱車

也危轍險路也愧茲山陽讌空此河陽別其四嵇康與向秀居山陽縣常為竹林之讌曹

植送應氏詩曰親昵並集送置酒此平原十日飲中散千

里遊秦昭王遺平原君好書曰寡人聞君高義願君幸過寡人寡人與君為十日飲初呂安友嵇康時或命駕

千里從之中散承上言古人或期十日之飲或以千里命駕今子久滯渤海雖有濃醪誰與獻酬哉

此歲方秋屏居猶隱居也臨此歲方秋喻已之將老也惜哉時不與日暮無輕

舟其五言無輕舟以相從也此皆敘相望而不得親之意也

○贈張徐州謨五言張謨為徐州刺史臨去別雲不相值後作詩贈之

范雲雲字彥龍武興人也事齊為竟陵王子良文學至梁為散騎侍郎

田家樵採去薄暮方來歸薄至也來者自外之文也還聞稚子說有客

款柴扉稚子小子也客謂張謨也款叩也儻從皆珠玳裘馬悉輕肥儻導也從

謂隨護行者玳瑁也珠玳言裝飾之盛輕肥馬輕裘也軒蓋照墟落傳瑞生光輝

墟落郊墟籬落也傳驛中車馬也瑞節信也疑是徐方牧既是復疑非思舊昔

言有。此道今已微。物情弄疵賤。何獨顧衡闈。意是而疑其非驚訝之意

也徐徐州也方牧謂刺史也言思舊之道於今已恨不具微凡人之心中多弄卑賤而君獨眷我於衡門之下

雞黍得與故人揮。京師以秋為期至九月十五日殺雞作黍二親笑曰山陽去此幾千里何必至元伯

日巨卿信士不失期者言未絕而巨卿至懷情徒草草。

淚下空霏霏。寄書雲間鴈。為我西北飛。鴈可傳書故寄之徐州在西北故云

西北飛也

○古意贈王中書五言贈中書監王融也

范雲

攝官青瑣闥。遙望鳳皇池。青瑣門名雲為通直郎不敢正言故云攝鳳皇池為中書監也

誰云相去遠。脈脈阻光儀。脈脈含情貌岱山饒靈異。沂水富英

奇。岱山沂水指琅邪郡謂王逸嗣陵北海搏飛出南皮徐氏之先也靈英賢俊也

居北海吳質遊南皮二人皆蒙魏文恩幸故言地以明之也莊子曰鵬搏扶搖而上故曰搏飛也遭逢聖

明。后來棲桐樹枝。以鳳喻也竹花何莫莫。桐葉何離離。莫莫盛貌離離

下垂貌喻厚祿也可棲復可食。此外亦何為。豈知鷦鷯者。一粒有

餘貲。亦何為戒之以慎守也鷦鷯小鳥也食少而有餘以自喻也

○贈郭桐廬出谿口見候余既未至郭仍進村維舟久

之郭生方至。五言富陽之桐廬溪也昉為新安太守郭峙為桐廬令故伺候也守令相

臨而作詩相贈前人風流亦可想見

任昉

朝發富春渚。蓄意忍相思。富春縣名涿令行春返。冠蓋溢川坻。

音池滕撫為涿令有文武理用太守以其能委任郡職兼領六縣流愛于民行春兩白鹿隨車挾轂而行坻岸也言

此以美望久方來萃。悲歡不自持。萃聚也滄江路窮此。湍嶮



方自茲。疊嶂易成響。重以夜猿悲。滿嶮自此而多也。山深易為音響。更增猿啼之

悲客心幸自弭。中道遇心期。言我為客之心幸而暫止者。為遇心期也。心期為時也。

親好自斯絕。孤游從此辭。二語即蘇章云今日與故人飲酒明日為冀州刺史安事之意。

○迎大駕五言東海王越從大駕討鄴軍敗輕騎奔下邳永康二年越率天下甲士三萬人奉迎大

駕還洛尼時預焉故有此詩

### 潘尼

南山鬱岑峯。洛川迅且急。青松蔭修嶺。綠蘩被廣隰。峯峻貌

繁備蒿也。下濕曰隰。朝日順長塗。夕暮無所集。順從也。集止也。晝從

止謂時之亂也。歸雲乘愜浮。淒風尋帷入。覆之也。尋迫之也。乘

深識士。舉手對吾揖。世故尚未夷。嶠函方嶮澁。深識士虛設以發下

詞也。夷平也。世亂未平。嶠。狐狸夾兩轅。豺狼當路立。狐狸

谷函關之路尚未通也。

皆喻亂臣夾轅當路謂執權勢也。

翔鳳嬰籠檻。騏驥見維繫。翔鳳騏驥皆喻賢也。籠檻

維繫言被拘繫不得施用也。

俎豆昔常聞。軍旅素未習。且少停君駕。徐

待干戈戢。言願少停君之車駕待兵戈

赴洛詩二首五言赴太子洗馬時作前篇敘征行後篇在東宮時也

### 陸機

希世無高符。榮道無烈心。希世詭隨於世也。無高符者言不能高蹈也。營道營營於道路

也。烈心烈靖端肅有命。假檝越江潭。音尋叶韻靖端清正也。肅敬也。有命君命

親友贈予邁。揮淚廣川陰。江撫膺解攜手。永歎

結遺音。撫膺解手離別也。別後長歎鬱結遺音也。別無迹有所匿。寂寞聲必沈。離

別後迹無所聞。肆目眇不及。緬然若雙潛。肆盡也。緬猶遜也。見聲無所聞。肆目眇不及。緬然若雙潛。雙潛彼此俱潛伏也。南望泣玄渚。北邁涉長林。玄渚江中洲也。涉歷也。谷風拂修薄。油

雲翳高岑。疊疊孤獸。嬰嬰思鳥。吟草木交曰薄翳蔽也感物戀堂

室離思一何深。堂謂母室謂妻佇立愴我歎。寤寐涕盈衿。惜無懷

歸志。辛苦誰為心。誰為心言心乎王室是以不暇懷歸也

羈旅遠游宦。託身承華側。謂為太子洗馬也撫劔遵銅輦。振纓盡

祗肅。銅輦太子車也振整也言整冠纓盡祗敬也歲月一何易。寒暑忽已革。載

離多悲心。感物情悽惻。歲月易流冬夏忽改詩初吉載離寒暑慷慨遺安

愈。永歎廢寢食。遺忘也安愈猶云平善也思樂樂難誘。曰歸歸未克。誘

也克遂也憂苦欲何為。纏繇曾與臆。仰瞻陵霄鳥。羨爾歸飛翼。

○赴洛道中作二首 五言

陸機

總轡登長路。嗚咽辭密親。總攬也嗚咽悲哀也密猶近也借問子何之。世

網嬰我身。世網謂官事嬰纏也永歎遵北渚。遺思結南津。遵循也北渚南津分

別處也。行行遂已遠。野途曠無人。山澤紛紆餘。林薄杳

阡眠。曠空也紛紆屈曲貌杳遠也阡眠原野之色虎嘯深谷底。雞鳴高樹巔。哀

風中夜流。孤獸更我前。更經也悲情觸物感。沈思鬱纏繇。佇

立望故鄉。傾影悽自憐。

遠遊越山川。山川修自廣。振策陟崇丘。安轡遵平莽。陟進也崇

丘高岡也平莽草野也夕息抱影寐。朝徂銜思往。抱影形影相中銜也銜思含思也頓

轡倚嵩巖。側聽悲風響。頓猶舍也嵩高也清露墜素輝。明月一何

朗。撫枕不能寐。振衣獨長想。

吳王郎中時從梁陳作 五言梁陳二國名機為吳王郎中令行過之故作

陸機

在昔蒙嘉運。矯迹入崇賢。已昔蒙嘉運為太子門名言假翼

鳴鳳條。濯足升龍淵。鳳鳴於梧龍升於淵龍鳳皆喻玄冕

無醜士。冶服使我妍。冶服美服也妍好也言為大夫即輕

劔拂鞶厲。長纓麗且鮮。鞶大帶也厲帶之垂言輕劔拂此

誰謂伏事淺。契闊踰三年。契闊踰事於太子也薄言肅

厚命。改服就藩臣。肅敬也敬天子之後命以夙駕尋清軌。

遠遊越梁陳。夙早也清軌古人感物多遠念。慷慨懷古人。

河陽縣作二首 五言

潘岳

微身輕蟬翼。弱冠忝嘉招。蟬翼輕薄以喻已微細也忝在

疚妨賢路。再升上宰朝。疚病也自謙以病為府掾是妨賢

再猥荷公叔舉。連陪廁王寮。公叔文子之臣大夫僕與文

列也王寮。長嘯歸東山。擁耒耨時苗。擁執也耒耨也耨

卑高亦何常。升降在一朝。趾足也大阜曰陵二者升降在

也徒恨良時泰。小人道遂消。時既泰則小人道消譬如野

田蓬。幹流隨風飄。商君書曰今夫飛蓬遇飄風而昔倦都

邑遊。今掌河朔徭。謂河陽令徭役也所謂蓬飄也登城眷

南顧。凱風揚微綃。凱風南風也綃幕也洪流何浩蕩。脩芒鬱岩堯。

黃河也浩蕩廣也脩長也。誰謂晉京遠。室邇身實遠。詩曰

則邇其人甚遠京洛陽也言去京。誰謂邑宰輕。令名患不

劭。德彌劭之劭。人生天地間。百年孰能要。平聲歎如敲石

德彌劭之劭。人生天地間。百年孰能要。平聲歎如敲石

火警匹滅若截道風。道擊也。鼓石火即火石也。警暫見也。截

風暫見即滅人之。齊都無遺聲。桐鄉有餘謠。齊景公有馬

在。世亦猶是也。鄉嗇夫吏人愛而歌焉。是有餘謠也。福謙在純約。害盈

由矜驕。謙者則福之矜而驕者則害之。雖無君人德。視民

庶不怵。音桃偷也。猶苟且也。

日夕陰雲起。登城望洪河。洪河亦川氣冒山嶺。驚湍激巖

阿歸鴈映蘭時。音止。游魚動圓波。巖阿山曲也。圓波謂魚動

波起而鳴蟬厲寒音。時菊耀秋華。引領望京室。南路在伐

柯。厲急也。菊草名。至秋始花。故云秋華。大夏緬無覲。崇芒鬱

嵯峨。大夏東京門名。緬遠也。覲視也。言大夏門里許。嵯峨高貌。不總

總都邑人。擾擾俗化訛。五戈切。總擾擾皆衆也。依水類

浮萍寄松似懸蘿。萍之依水隨水去留。蘿之寄松朱博糾

舒慢楚風被琅邪。朱博遷琅邪太守。齊部舒緩。物自今掾

曲蓬何以直。託身依叢麻。黔黎竟何常。政成在

民和。曾子曰蓬生麻中不扶自直。蓬之性曲所以直。位同

單父邑。愧無子賤歌。處子賤理單父。常鳴琴而豈敢陋微

官。但恐忝所荷。荷負荷也。平聲。叶韻。忝者猶云不勝任也。

在懷縣作二首。五言。岳自河陽遷懷今。

潘岳

南陸迎修景。朱明送末垂。日行南陸謂之夏。修景猶云長

初伏啓新節。隆暑方赫曦。初伏謂三伏之初也。此時暑朝

想慶雲興。夕遲白日移。揮汗辭中宇。登城臨清池。慶雲瑞雲

也遲待也宇屋也言出屋登城臨池以候涼氣也涼飈自遠集輕襟隨風吹靈圃

耀華果通衢列高椅華果諸果實也衢道也瓜殊蔓長苞

薑芋紛廣畦畦小瓜也苞叢生也薑芋菜屬言瓜引畦稻栽

蕭芊芊黍苗何離離芊芊離離長茂貌虛薄乏時用位微名日卑

驅役宰兩邑政績竟無施自我違京輦四載迄于斯虛薄謂才

力微弱也兩邑河陽懷縣也績功也京輦謂輦轂之下也迄至也器非廊廟姿屢出固其

宜廊廟廟堂也徒懷越鳥志眷戀想南枝古詩有越鳥巢南枝言戀京室亦如是也

春秋代遷逝四運紛可喜寵辱易不驚戀本難為思去聲我

來冰未泮時暑忽隆熾泮解也熾盛也謂自早春已及盛夏感此還期淹歎

彼年往駛所登城望郊甸游目歷朝寺淹滯也駛急也感還期之遲傷年運

之速乃登城遠望京邑朝市也小國寡民務終日寂無事小國謂懷縣也白水過

庭激綠槐夾門植信美非吾土祇攪懷歸志眷然顧鞏洛

山川邈離異孔叢子歌曰眷然顧之慘焉願言旋舊鄉畏

此簡書忌毛詩曰豈不懷歸畏此簡書簡書戒命也祇奉社稷守恪居處職司

音肆叶祇敬也恪勤也同社稷人民之寄也

始作鎮軍參軍經曲阿作五言宋武帝行鎮軍將軍潛為其參軍曲阿縣名

陶潛潛字淵明一字元亮潯陽柴桑人少自高趣後為彭澤令解綬去職

弱齡寄事外委懷在琴書齡年也言我少年寄心於事物之外以琴書自安而已被

褐欣自得屢空常晏如褐短衣也屢空謂貧也時來苟宜會宛轡憇

通衢言時命既來且宜與之相會宛屈也投策命晨旅暫

與園田踈眇眇孤舟逝縣縣歸思紆投策捨杖也謂捨所

將赴職與田園暫踈也眇眇遠行貌縣縣不絕貌紆縈也我行豈不遙登降千里餘目

將赴職與田園暫踈也眇眇遠行貌縣縣不絕貌紆縈也

將赴職與田園暫踈也眇眇遠行貌縣縣不絕貌紆縈也

將赴職與田園暫踈也眇眇遠行貌縣縣不絕貌紆縈也

將赴職與田園暫踈也眇眇遠行貌縣縣不絕貌紆縈也

將赴職與田園暫踈也眇眇遠行貌縣縣不絕貌紆縈也

倦修塗異。心念山澤居。望雲慙高鳥。臨水愧遊魚。真想初在襟。誰謂形迹拘。聊且憑化遷。終反班生廬。真玄默也。此理久在曾襟。

誰謂形蹟能拘之哉。憑化遷所謂與時推移。即赴鎮為參軍也。然終當返故廬耳。言出非所樂也。班固幽通賦曰。里止仁之所廬。故云班生廬。此詩已見出非出心。

○辛丑歲七月赴假還江陵夜行塗口作五言潛自以曾祖晉世宰

輔恥屈身後代自高祖王業漸隆不復肯仕凡詩在晉時作者皆題年號入宋所作但題甲子而已

江陵郡名塗口江口名

### 陶潛

閑居三十載。遂與塵事冥。詩書敦宿好。林園無世情。冥遠也。敦也。敦敦。

篤也。宿好謂舊所好也。如何舍此去。遙遙至西荆。時京都世情謂世俗之情也。

叩棧叩擊也。棧船傍新秋月。臨流別友生。叩擊也。棧船傍。涼風版友生朋友也。

起將夕。夜景湛虛明。昭昭天宇闊。皛皛川上平。湛澄也。天宇即

宇宙之宇通白。曰皛皛明也。懷役不遑寐。中宵尚孤征。商歌非吾事。依

依在偶耕。甯戚商歌車下以干桓公言此非我之事。耦耕長沮桀溺也。依依慕之也。投冠旋舊

墟。不為好爵榮。投此冠冕將歸舊居。不以好爵為榮華也。養真衡茅下。庶以善

自名。衡茅茅屋也。

○永初三年七月十六日之郡初發都五言高祖永初三年五月崩少

帝即位出靈運為永嘉郡守少帝猶未改元故云永初據此是初赴郡作而詩言述職又似六月入

朝七月返沛也

### 謝靈運

述職期闌暑。理棹變金素。闌將盡也。金素秋也。秋為金而色白故曰金素。言期在殘暑比

及理棹已變為秋。秋岸澄夕陰。火旻團朝露。夕陰晚景也。火心星為秋候。旻秋天也。團

露下而辛苦誰為情遊子值頽暮辛苦之情已難堪愛似

團也言遊子觸物增戀若莊生之念曠昔

莊念昔久敬曾存故夫越之流人去國旬月見所嘗見於國中喜及期年也見

似人者而喜矣故言念昔韓詩外傳子夏過曾子曰入食

子夏曰不為公費乎曾子曰有三費飲食不在其中子夏

曰敢問三費曾子曰少而學長而忘之一費也事君有功

輕而負之二費也故云存故如何懷土心持此謝遠度此

中絕此三費也故云存故如何懷土心持此謝遠度謂

懷土也言如何持此懷土李牧愧長袖卻克慙躡所步

之心而慙古人之遠度乎李牧愧長袖卻克慙躡李

身大臂短使工人為木杖以接手上卻克慙躡步

醜狀不成惡去聲言雖有疾曰余亦支離依方早有慕支

醜狀不成惡去聲言雖有疾曰余亦支離依方早有慕離

形體不全也子桑戶死孔子使子貢往待事子反琴張鼓

琴相和而歌子貢反以告孔子曰彼遊方之外者也而丘

遊方之內者也子貢曰夫子何方之依生幸休明世親蒙英達顧

曰夫子何方之依生幸休明世親蒙英達顧陵王也

空班趙氏璧徒垂魏王瓠班列也子男執璧趙氏璧天下

空班趙氏璧徒垂魏王瓠班列也子男執璧趙氏璧天下

大而無用言我空列子男之從來漸二紀始得傍歸路十

位而無用於時也貽猶遺也二

年曰紀傍近也言出為永將窮山海迹永絕賞心晤言今

嘉太守始近歸家之路將窮山海迹永絕賞心晤言今

謝靈運

過始寧墅五言靈運父祖並葬始寧縣并有故宅及

東髮懷耿介逐物遂推遷東髮弱冠時也言少懷節操違

志似如昨二紀及茲年緇磷謝清曠疲薊結慙貞堅

昨而已經二十四年矣涅不緇磨不磷君子之貞堅也今

不免緇磷而謝去清曠是以困憊而慙之疲薊困極之貌

拙疾相倚薄還得靜者便薄謂相剖竹守滄海枉帆過舊

山初與郡守為竹使符符信也漢制以竹分而相合也山

行窮登頓。水涉盡洄。公登頓謂上下也巖峭嶺稠。壘洲縈

渚。連繇。白雲抱幽石。綠篠媚清漣。葺宇臨迴江。築觀基曾

巔。峭峻也。稠疊重壘也。連繇不絕貌。篠竹箭也。連謂風揮

手告鄉曲。三載期歸旋。揮舉也。言舉手辭鄉人。且為樹粉

櫝。無令孤願言。左氏傳曰。初季孫為已樹六櫝於蒲圃。東

此木無令。孤我所願。

○富春渚 五言

謝靈運

宵濟漁浦潭。且及富春郭。富春東三十里有漁浦定山緬雲霧。赤亭

無淹薄。定山赤亭皆江中山名。緬遠也。言遠若雲霧之

流觸驚急。臨圻阻參錯。亮之伯昏分。險過呂梁壑。逆流而

間無淹薄謂此中水急而不可停止。薄與泊同。迴

圻曲岸頭也。參錯謂碕岸之險。參差交錯也。迴流則懼浪

之衝急。臨岸則阻石之參錯。亮信也。列御寇為伯昏無人

射引之盈貫。措杯水其肘上。伯昏無人曰。是射之射非不

射之射也。當與汝登高山履危石。臨百仞之泉。若不能射乎

於是無人遂登高山履危石。臨百仞之泉。背逡巡。足二分

垂在外。揖禦寇而進。禦寇伏地汗流至踵。伯昏無人曰。夫

至人者。上闕青天。下潛黃泉。渾斥八極。神氣不變。今汝怵

然有恟目之志。爾於中殆矣。孔子觀於呂梁。懸水三十仞

伯昏不懼之分。而所經之險。過於呂梁也。洊至宜便習。

兼山貴止託。周易曰。水洊至。習坎。不以坎為隔絕。相仍而

其止也。平生協幽期。淪躋困微弱。久露干祿請。始果遠

遊諾。素性頗與幽隱之期。相協而沉淪躋。什困於微弱。不

○七里瀨

五言。瀨水流沙上也。七里者言長七

抱既昭曠。外物徒龍蠖。昭曠明遠也。言懷抱明遠。混齊

萬物雖龍騰。蠖屈不為殊觀。

耳宿心漸申。寫萬事俱零落。宿心昔日幽隱之心也。漸懷

得舒散而人事俱從。棄捨懷

得舒散而人事俱從。棄捨懷



謝靈運

羈心積秋晨。晨積展遊眺。孤客傷逝湍。徒旅苦奔峭。展適也奔

落也入彭蠡湖詩圻石淺水潺湲。日落山照曜。荒林紛沃

若。哀禽相叫嘯。潺湲水聲沃若茂盛貌遭物悼遷斥。存期

得要妙。遷斥推遷也老子曰湛兮似或存王弼曰和光而

莊子曰此之謂要妙也言既乘上皇心。豈屑末代誚。莊子

與存相期即得要妙也既持道德之心。豈顧末代人。所譏謂哉目覩嚴子瀨。想

屬任公釣。瀨難名嚴子陵釣處任公子以大鈞巨輪釣於

北皆厭此魚喻道也以道養人。故誰謂古今殊。異代可同

調去聲

登江中孤嶼 五言

謝靈運

江南倦歷覽。江北曠周旋。懷新道轉迥。尋異景不延。亂流

趨正絕。孤嶼媚中川。懷想新知其道轉遠尋求奇異光景

也正絕水直下處雲日相輝映。空水共澄鮮。表靈物莫賞。

也洲上有石曰嶼蘊真誰為傳。想像崑山姿。緬邈區中緣。表明也謂明顯之

崑山仙山也區中始信安期術。得盡養生年。安期生仙人

世間也緣塵緣也養生非求過。分蓋全理盡。年而已。

○初去郡 五言 靈運在永嘉二年稱疾去職作此詩

謝靈運

彭薛裁知恥。貢公未遺榮。班固云廣德當宣近於知恥蓋

乞骸骨故云貢禹與王陽善見陽登用或可優貪競。豈足

稱達生

言此例之貪位奔競者則已

伊予秉微尚拙訥謝

浮名

浮過也惟我持此好尚故安於踈拙蹇訥而辭謝浮名

廬園當去聲栖巖卑位代

躬耕顧已雖自許心迹猶未并無庸妨周任有疾像長卿

情雖在栖隱而身尚居官迹未與心合也妨害也周任言陳力就列不能者止不去是妨此言也司馬相如患消渴疾言有畢娶類尚子薄游似邴生為子嫁娶畢勅家事斷之勿復相關當如我死矣尚范擘作向邴生曼容養志自修為官至六百石輒自免去故云薄游言皆與之似也

恭承古人意促裝返柴荆牽絲及元興解龜在景平

朱絲初仕也元興晉元帝年號解龜謂解去所佩龜印去官也景平宋少帝年號言授官於元興謝職於景平也

負心二十載於今廢將迎

心隱逸之心也自元興至景平二十年於茲矣將送也

棹適還期遵渚驚修垞

脩長也林外日垞 遡谿終水涉登嶺始山

行野曠沙岸淨天高秋月明憇石挹飛泉攀林牽落英

也擻禾取也 戰勝臞者肥止鑿流歸停

生之義則榮之出見富貴又榮之二者戰於胃臆故臞今見先生之義戰勝故肥也臞瘦也巨俱切文子曰莫監於流潦而監於止水以其保心而不外蕩也

即是羲唐化獲我擊壤情

言無事之後即是伏義唐堯之化而我得同擊壤老

人之情

○初發石首城

五言靈運謝病東歸會稽太守孟覲表其異志靈運馳請闕上表太祖知其誣

不罪不欲使東歸以為臨川內史至石頭城故作此詩

謝靈運

白珪尚可磨斯言易為緇

毛詩白珪之玷尚可磨也斯雖言之玷不可為也緇黑色也

抱中孚爻猶勞貝錦詩

易中孚九五爻有孚攣如孚信也詩云萋兮斐兮成是貝錦言讒人之集已過以成罪猶女功之集彩色以成錦也 寸心若光亮微命察如絲

言我心則命如絲而將絕也 日月垂光景成貸遂兼茲

日月喻天子言天子垂照貸借我命更得

兼此出宿薄京畿晨裝搏曾颺薄至也晨裝旦飾行裝也搏持也曾颺高風也謂張帆而行重經平生別再與朋知辭故山日已遠風波豈還時再謂前之永嘉今適臨川也故山謂所居舊山也言如此風波豈有還時迢迢萬里帆茫茫終何之游當羅浮行息必廬霍期羅浮廬霍皆山名越海名湘江也言越江海游歷於此欽聖陵三山游湘歷九疑三山蓬萊方丈瀛洲也九疑山欽聖若旦暮懷賢亦悽其欽聖謂舜葬於九疑懷賢謂屈明發心不為歲寒欺喻雖遭讒而不渝也

○道路憶山中五言往臨川郡憶始寧山中

謝靈運

采菱調易急江南歌不緩採菱江南皆楚越歌曲也楚人心昔絕越客腸今斷楚人謂鍾儀也遭晉幽囚而為楚歌其聲甚哀越客靈運自謂也言聞歌思鄉而腸斷也靈運本在

陳郡父祖並葬始寧縣并有斷絕雖殊念俱為歸慮款存鄉爾思積憶山我憤懣絕謂鍾儀也斷自謂也殊念者鍾儀思鄉靈運憶山雖則殊念然而憤懣怨歎也追尋栖息時偃臥任縱誕得性非外求已為誰纂已止也纂繼也得所性而不然秋夕長恒苦夏日短濯流激浮湍息陰倚密竿上聲叶韻竿竹挺也秋夜長而猶苦其短濯洗也懷故叵普新歡含悲忘春暖叵不可也春暖當喜為含悲而忘悽悽明月吹惻惻廣陵散悽惻皆哀聲也明月殷勤訴危柱慷慨命促管危柱謂琴也促管謂笛也訴告也危柱促管使其聲急而哀以敘其心也

○入彭蠡湖口作五言

謝靈運

客游倦水宿風潮難具論洲島驟迴合圻岸屢崩奔乘月

聽哀狝。以季浥露馥芳蓀。狝，猿猴類，其聲衰芳。蓀，草名。春晚綠野秀，巖高白

雲屯。千念集日夜，萬感盈朝昏。攀崖照石鏡，牽葉入松門。

屯，聚也。千念，萬感，言多也。石鏡，山名。松門，澗名。三江事多往，九派理空存。尚書曰：三江既

入江賦曰：流九派乎潯陽。靈物豈珍怪，異人祕精魂。靈，中多靈怪，神異之

人然皆秘其精，不可見也。金膏滅明光，水碧綴流溫。穆天子傳曰：河

膏，山海經曰：耿山多水碧。碧玉，溫潤也。徒作千里曲，絃絕念彌敦。言

曲，異以消憂絃絕而念逾甚，故曰徒作也。千里曲，謂黃鵠一遠，別千里，顧徘徊也。絃絕，謂曲終也。

○入華子岡是麻源第三谷。五言華子期用里先生弟子居此山頂，故稱焉。麻源

名山

### 謝靈運

南州實炎德，桂樹陸寒山。楚辭曰：嘉南中之炎德，麗桂樹之冬榮，謂南中炎暖，冬月樹太

榮也。銅陵映碧澗，石磴瀉紅泉。銅陵，碧澗，山澗名。石磴，版也。紅泉，謂水自丹砂中流出，故

其色紅也。旣枉隱淪客，亦棲肥遁賢。隱淪，皆幽居者。客，暫過故爾。枉，賢久住，故云棲

險徑無測度，天路非術阡。術，阡道也。言山徑高險，不可測度。若登天，不知道路。遂登

羣峯首，邈若升雲煙。羽人絕髣髴，丹丘徒空筌。山首，山之巔也。邈，高也。

也。羽人，仙人也。言仙人不見，空有遺迹而已。筌，捕魚器。意見莊子。圖牒復摩滅，碑版誰聞

傳。莫辨百世後，安知千載前。且申獨往意，乘月弄潺湲。牒，譜也。版，邦國之圖籍也。言仙人圖牒碑版之屬，皆已摩滅，傳聞既莫辨於百世之後矣。又安知千載之前，果有無哉。故

惟遂吾孤往之興而已。恒充俄頃用，豈為古今然。言古之獨乘月以聽水聲而已，不過備俄頃之遊，豈為古今不相及而然哉。充，猶備也。

北使洛。五言延年為豫章世子中軍行參軍，義熙十年高祖北伐，有宋公之授府遣延年使慶

殊命參起居至洛陽道中作。

洛陽道中作

顏延之

改服飭徒旅。首路踞險艱。改服改常服。徒旅行旅也。飭整也。踞曲也。振楫發吳

洲。秣馬陵楚山。言自水登陸行也。塗出梁宋郊。道由周鄭間。前登

陽城路。日夕望三川。汝南郡有陽城縣。河南郡有河洛伊故曰三川。在昔輒期運

經始闢聖賢。抱朴子曰。聖人生率闢五百歲。闢猶間也。言晉亂。故期運輟息。不得聖賢為之經營。伊

澱絕津濟。臺館無尺椽。由時亂。故津濟斷絕。宮陛多巢穴。臺館盡毀。不餘尺椽。

城闕生雲煙。言其荒蕪如此。王猷升八表。嗟行方暮年。言宋高祖方之外。嗟我之行。值冬時。冒寒氣而苦辛。

陰風振涼野。飛雲翳窮天。陰昏冥也。季冬日窮于次。臨塗未及引。置酒慘無言。引發。隱憫徒御悲。威

遲良馬煩。隱憫憂歎貌。威遲也。芳時春時也。但警失期也。言我蓬心既已矣。飛薄殊亦

以冰雪所苦。故歸來屢失期也。蓬心既已矣。飛薄殊亦

然蓬非直達者。言已隨俗之心。久已除矣。而猶被牽制。於時尚勞於行役。有此飄泊。亦如蓬轉。故云亦然。

○還至梁城作五言自洛還也

顏延之

眇默軌路長。憔悴征戍勤。眇默途中無聊貌。軌車迹也。征行也。昔邁先祖師。

今來後歸軍。振策睠東路。傾側不及羣。昔邁謂前出使時。在昔伐之前也。今

來蓋後於軍歸也。言雖揚鞭鞭視歸路而險阻不能前及其羣也。息徒顧將久。極望梁陳分。

徒徒侶也。梁陳二國名。分分界首也。故國多喬木。空城凝寒雲。故國謂梁陳也。謂遭晉亂

填郭郭。銘誌滅無文。木石扃幽闈。黍苗延高墳。謂遭晉亂也。墳墓也。立隴

撤銘誌遺失。木石交橫。惟彼雍門子。吁嗟孟嘗君。愚賤同

堙滅。尊貴誰獨聞。雍門周見孟嘗君曰。臣竊悲千秋萬歲後墳墓生荆棘。行人見之曰。孟嘗君尊

貴乃如是乎。列子曰。伏羲以來三十餘萬歲。賢愚好醜無不消滅。曷為久游客。憂念坐自

殷

○始安郡還都與張湘州登巴陵城樓作五言湘州刺史張劭都謂

建鄴也

顏延之

江漢分楚望。衡巫奠南服。江漢二水名。衡巫二山名。三湘淪洞庭。七澤

藹荆牧。湘水北流二千里入于洞庭也。子虛賦。楚有七澤。藹盛貌。荆楚也。郊外曰牧。經塗延舊

軌。登闈人訪川陸。周禮曰。國中經塗九軌。延進也。闈城曲重門也。水國周地險。河

山信重複。却倚雲夢林。前瞻京臺囿。京臺臺名。皆楚游。于目反。叶韻。雲夢澤。

觀地。清雰霽岳陽。曾暉薄瀾澳。雰氛也。霽止也。曾暉日光也。澳水曲也。悽矣自

遠風。傷哉千里目。萬古陳徃還。百代勞起伏。起伏即存沒。

竟何人。炯介在明淑。炯明也。介操也。淑善也。請從上世人。歸來執彘

竹也。觀種也。

○還都道中作五言昭為臨海王參軍從

鮑昭

昨夜宿南陵。今日入蘆洲。南陵縣名。蘆洲洲名。客行惜日月。崩波不

可留。惜日月務疾還也。崩波猶奔波也。侵星赴早路。畢景逐前儔。鱗鱗夕

雲起獵獵曉風遒。早路早取路也。畢景落日也。儔儔騰沙

鬱黃霧。翻浪揚白鷗。騰飛也。登艫眺淮甸。掩泣望荆流。臚船

懼處也。荆流楚水也。絕目盡平原。時見遠煙浮。絕極也。倏悲坐還合。俄

思甚兼秋。倏忽戢頃之際。悲思已合於未嘗違戶庭。安能

千里游。誰令乏古節。貽此越鄉憂。古節古人高尚之節。左

以越鄉

○之宣城出新林浦向版橋五言新林浦名眺時為宣城郡守故出於此

謝眺

江路西南永。歸流東北驚。天際識歸舟。雲中辨江樹。旅思

倦搖搖。孤游昔已屢。永長也搖搖不定貌屢數也既懽懷祿情。復協滄

洲趣。滄洲隱者所居言我既懽懷祿復合此趣踟塵自茲隔。賞心於此遇。踟喧

雖無玄豹姿。終隱南山霧。列女傳曰陶答子治陶三年名譽不與家富三倍其妻抱兒而泣姑怒以為不祥妻曰妾聞南山有玄豹隱霧雨七日不

取逢禍必矣眺言我雖無豹姿且終得隱居養性

○敬亭山五言

謝眺

茲山亘百里。合沓與雲齊。亘竟也合沓高貌隱淪既已託。靈異居

然棲。隱淪隱逸也靈異靈仙也居安也上干蔽白日。下屬帶迴谿。屬及也迴曲也

交藤荒且蔓。樛居枝聳復低。木曲曰樛聳舉也獨鶴方朝唳。飢鼯

此夜啼。方當也鼯鼠名啼鳴也滌雲已漫漫。多雨亦淒淒。滌猶舒也我行

雖紆組。兼得尋幽蹊。言我此行雖帶郡守之徑緣源殊未及

歸徑窅如迷。緣因也窅遠也於鳥切要欲追竒趣。卽此陵丹梯。丹梯謂山

也。皇恩竟已矣。茲理庶無睽。言君恩或有已時則我雖罷官而此興終不乖也

○休沐重還道中五言謂休般沐浴還歸丹陽也

謝眺

薄游第從告。思閑願罷歸。孫綽曰或問賈誼不遇漢文將

還邛歌賦似。休汝車騎非。司馬相如舍臨邛都亭時從車

可使許子將。見遂單車歸。家言我歌賦有似相如。而車騎

乃非袁 灞池不可別伊川難重違枚乘集有臨灞池遠訣賦灞池謂西京伊川謂

東京言此二京不可違別者以喻丹陽亦不可變去也汀葭稍靡靡江荻他復依依

汀水際平處也葭荻皆水草名靡靡依依隨風貌田鶴遠相叫沙鵠保忽爭飛雲

端楚山見林表吳岫微也岫亦山也試與征徒望鄉淚

盡霑衣征行也徒侶也賴此盈樽酌含景望芳菲而望芳

菲之節以解其鄉思也問我勞何事霑沐仰清徽志狹輕軒冕恩甚

戀閨闈微美也言我所以勞心者為天子之澤霑潤我也

主恩甚故歲華春有酒初服偃郊扉言此心終願歲初酒

也君

○晚登三山還望京邑五言江寧縣北十二里濱江有三山相接京邑謂丹陽

謝朓

灞涘望長安河陽視京縣王粲七哀詩曰南登灞陵岸迴

領望京室喻登山望丹陽也涘岸也京縣洛陽也白日麗飛甍參差皆可見甍屋

餘霞散成綺澄江靜如練喧鳥覆春洲雜英滿芳甸去矣

方滯淫懷哉罷歡宴思歸未果故罷歡宴佳期悵何許淚下如流霰

霰雨雪相雜也有情知望鄉誰能鬢髮不變不變髮不變

髮不變京路夜發五言又自丹陽之宣城郡

謝朓

擾擾整夜裝蕭蕭戒徂兩徂往也曉星正寥落晨光復泱

泱寥落星稀之貌猶霑餘露團稍見朝霞上毛詩零故鄉

邈已夏山川脩且廣夏遠也文奏方盈前懷人去心賞勅躬

決泱不明之貌



每跼蹐瞻恩唯震蕩。文奏謂簿書勅誠也。跼蹐危懼行矣。

倦路長無由稅歸鞅。稅息也。鞅駕也。於兩切。

○望荆山。五言淹時授建平王景素五經

江淹

奉義至江漢始知楚塞長。景素為右將軍荆州刺史奉義猶慕義也。江漢荆楚之境也。

南關繞桐栢西岳出魯陽。桐栢山名西岳謂西有山魯陽縣名。寒郊無留影。

秋日懸清光悲風撓重林雲霞肅川漲。周易曰撓萬物者莫疾乎風肅寒也。

漲水也。歲晏君如何零淚霑衣裳。歲晏喻年老君者淹自謂也。淹懼年老故下淚也。

玉柱空掩露金樽坐含霜。玉柱鳴箏也。掩一聞苦寒奏再露含霜謂秋夜。

使豔歌傷。言當此時若一聞奏苦寒之曲則使美豔之歌亦悲傷也。苦寒豔歌皆古歌曲。

○旦發漁浦潭。五言遲為新安郡守經此潭宿明日早發至中流作

丘遲

漁潭霧未開赤亭風已颺。赤亭山名。擢歌發中流鳴鞞響杳嶂。

鞞小鼓也。擢歌鼓擢而歌也。杳嶂重山也。村童忽相聚野老時一望詭怪石異

象。斬絕峯殊狀。斬絕峻貌。嶮峻貌。森森荒樹齊析析寒沙漲。森森長密貌。荒者沙始起將成嶼也。

藤垂鳥易陟崖傾嶼難傍。去聲。鳥嶼皆水中山也。陟升也。傍近也。

信是永幽棲豈徒暫清曠。信可長往。豈徒暫游。坐嘯昔

有委臥治今可尚。後漢岑公孝有幹國之器太守成增請為功曹時謚曰太守岑公孝弘農成增

但坐嘯汲黯為淮陽太守伏地不受印上曰君薄淮南耶顧淮陽吏人不相得吾徒得君重臥而治之耳。遲言坐嘯

之事昔已委任得人臥治之事我今且尚之耳。

○早發定山。五言約為東陽太守定山東陽道之所經也。

沈約

夙齡愛遠壑。晚蒞見奇山。夙齡謂少年也。晚蒞謂暮年臨職也。標峯綵虹外。

置嶺白雲間。傾壁忽斜豎。絕頂復孤圓。歸海流漫漫。出浦

水濺濺。音濺。漫平流貌。濺濺。淺流急貌。野棠開未落。山櫻發欲然。棠。櫻

名花朱色如。火欲然也。忘歸屬蘭杜。懷祿寄芳荃。蘭杜。芳荃。皆香草也。言我至此忘歸。

屬於此草。雖懷祿而去長寄其心。眷言採三秀。徘徊望九仙。三秀。謂芝草也。言我仙居

縣有兄弟九人成仙。其地去東陽不遠。終當採芝草而望九仙也。

○新安江水至清淺深見底。貽京邑游好。五言京邑丹陽郡也。

沈約

眷言訪舟客。茲川信可珍。洞澈隨深淺。皎鏡無冬春。千仞

寫喬樹。百丈見游鱗。皎鏡。清明如鏡。千仞。言高。寫。樹。倒影也。百丈。言深。鱗。魚也。滄浪有

時濁。清濟涸無津。涸。竭也。津。液也。言滄浪水清亦有濁。時。清濟水亦有涸。時。此言水不濁不涸。豈

若乘斯去。俯映石磷磷。斯。謂此水。磷。水中石貌。紛吾隔囂滓。寧假濯

衣中。願以潺湲沫。霑君纓上塵。吾。約自謂也。君。即京邑游好也。言我至此已隔喧囂。

濁穢無假浣濯衣中。但思以流沫霑洗其纓上塵耳。

○從軍詩五首 五言建安二十一年操征張魯及孫權。案作詩以美其事。

王粲

從軍有苦樂。但問所從誰。所從神且武。焉得久勞師。謂曹操也。

相公征關右。赫怒震天威。操為丞相。故曰相公。關右。關西也。赫。盛也。一舉滅獯

虜。再舉服羌夷。西收邊地賊。忽若俯拾遺。邊。賊謂張魯也。拾。遺言易也。陳

賞越丘山。酒肉踰川坻。六韜曰。賞如高山。罰如深溪。左氏傳。晉侯投壺。穆子曰。有酒如淮。有

肉如坻。寡君中此為諸侯師。丘。山川坻。言酒肉多也。軍中多飫饒。人馬皆溢肥。飫。厭也。饒。飽也。

也。徒行兼乘還。空出有餘資。徒。步也。乘。騎也。言破敵軍士所獲多也。拓地三

千里往返速若飛拓開拓也速言非師老也歌舞入鄴城所願獲無違

鄴魏都也晝日處大朝日暮薄言歸大朝天子朝也外參時明政內不

廢家私禽獸憚為犧良苗實已揮左氏傳曰賓孟適郊見雞自斷其尾問之侍者

曰自憚其為犧也遽歸告王且曰雞其憚為人用乎人異於是矣國語曰秦伯將饗公子如饗國君之禮使子餘相

公子賦黍苗子餘曰重耳之仰君也若黍苗之仰陰雨也若君實庇蔭膏澤之使能成嘉穀薦在宗廟君之力也揮

當為輝粲言我雖有懼犧之情不欲為人用竊慕負鼎翁但沐曹操之德如陰雨之庇黍苗是以仕也

願厲朽鈍姿不能效沮溺相隨把鋤犁伊尹負鼎以干湯長沮桀溺耦而耕

言我竊慕伊尹不學沮溺厲朽鈍姿自謙也熟覽夫子詩信知所言非孔叢子

于使聘夫子將至及河聞鳴犢與寶犝之見殺迴輿而趣為操曰翩翩于衛復我舊居從吾所好其樂只且夫子欲

隱居仲宣欲求仕志有不同故以夫子所言為非也涼風厲秋節司典告詳刑厲嚴也禮記孟秋之月涼風至

厲兵以征不義尚書王我君順時發桓桓東南征我君曹操曰有邦有土告爾詳刑

桓武貌東南征謂征孫權毛汎舟蓋長川陳卒被隰垆被

也彼夫懷親戚誰能無戀情拊衿倚舟檣眷眷思鄴城柱

日哀彼東山人喟然感鸛鳴毛詩曰鸛鳴于垤婦歎于室

頤切察自念日月不安處人誰獲恒寧國語姜氏謂晉公

誰獲安此察自解之詞言日月昔人從公旦一徂輒三齡

尚運行不止人何得常安寧哉昔人從公旦一徂輒三齡

而歸徂往也今我神武師暫往必速平弃余親睦恩輸

力竭忠貞速平謂平孫權懼無一夫用報我素餐誠日彼

君子兮不素餐兮言恐無一夙夜自併性思逝若抽縈

夫之用以雪我素餐之恥也庚普性思逝若抽縈

併性歎息也逝往也將秉先登羽豈敢聽金聲東觀漢記

抽縈縈繞於心也青犢於射大被羽先登豈敢退耶

聲而進聞金聲而退言我將被羽先登豈敢退耶

從軍征遐路。討彼東南夷。謂孫權也。方舟順廣川。薄暮未安坻。

方並也。安坻謂繫舟於岸。白日半西山。桑梓有餘暉。桑梓故里也。此有返

顧之意。蟋蟀夾岸鳴。孤鳥翩翩飛。征夫心多懷。悽愴令吾悲。

下船登高防。草露霑我衣。防隄也。迴身赴牀寢。此愁當告誰。

身服干戈事。豈得念所思。即戎有授命。茲理不可違。即就戎也。

兵也。授命所謂見危授命也。朝發鄴都橋。暮濟白馬津。逍遙河隄上。左右望我軍。連舫

踰萬艘。帶甲千萬人。率彼東南路。將定一舉勳。率循也將定一舉平

吳之功也。籌策運帷幄。一由我聖君。聖君謂曹操也。恨我無時謀。譬諸

具官臣。論語可謂具臣矣。鞠躬中堅內。微畫無所陳。中堅陣中心堅固處也。

許歷為完士。一言猶敗秦。史記秦伐韓趙使趙奢救之。令軍中日軍中有以軍事諫者死。

許歷請以軍事諫趙奢曰。納之許歷曰。秦人不意趙師至此。其來氣盛。將軍必厚集其陳以待之。不然必敗。趙奢曰。請受令。許歷曰。請就鈇鑕之誅。趙奢曰。有後令至。邯鄲許歷請復諫曰。先據北山上者勝。後至者敗。趙奢許諾。即發萬人赴之。秦兵後至。爭山不得。上趙奢縱兵擊之。大敗秦軍。完士猶凡士也。論衡西門豹董安于誠為完具之人。亦此意。

我有素餐責。誠愧伐檀人。毛詩曰。坎坎伐檀兮。實之河

雖無鈇刀用。庶幾奮薄身。班超曰。與立鈇刀一割之功。

悠悠涉荒路。靡靡我心愁。四望無煙火。但見林與丘。城郭

生榛棘。蹊徑無所由。萑桓蒲竟廣澤。葭葦夾長流。日夕涼

風發。翩翩漂吾舟。寒蟬在樹鳴。鸛鵠摩天游。禮記曰。孟秋

入九子歌曰。黃鸝摩天極高飛。客子多悲傷。淚下不可收。朝入譙郡界。曠

然消人憂。曹操燕人。故粲美之。雞鳴達四境。黍稷盈原疇。言村落相

野館宅充鄽。里士女滿莊。墟音仇。叶韻。充亦滿也。屬自非

里市井也。莊墟皆道也。

文選卷之六

賢聖國誰能享斯休賢聖謂曹操也詩人美樂土雖客猶願留詩曰

逝將去汝適彼樂土樂土有德之國也客黎自謂也

宋郊祀歌二首四言宋文帝時郊祀天地使延年作歌

顏延之

夤威寶命嚴恭帝祖夤敬也威畏也寶命天命也炳海表言天子敬畏天命尊敬先祖

岱系唐胄楚炳明也胄猶承也海岱及淮惟徐州即彭城東界宋高祖本彭城人欲以此表海岱也宋承唐堯及楚元

靈監睿文民屬睿武靈監民屬猶云天與王後故云系胄人歸文武互文也睿

奄受敷錫宅中拓宇奄大也尚書曰歛是五福用敷錫厥庶民宅居也言宋高祖奄受天

巨地稱皇罄天作主巨徧也月竈充來賓日際奉土今南陽人名穿地為竈竈窟也月窟西極

正禮交樂舉元首皆始也正者正月上日也禮交樂舉和之至教之始起於正月上日也

也六典聯事九官列序周禮有六典之官以掌萬邦舜命九官以理天下

也有牲全在滌有絜在俎犧牲體宇曰牲在滌謂在牢中

也以薦王衷以答神祐薦獻也衷中心也祐福也言進

維聖饗帝維孝饗親皇乎備矣有事上春備言備聖孝也

也禮行宗祀敬達郊禋禮行敬達謂徧禮也宗祀謂祭

也金枝中樹廣樂四陳金枝謂燈以金飾也

在民毛詩曰三后在天陟配在京三后謂太王王季文王也京鎬京也此以武王喻宋文帝言其饗帝饗親之

典典並行具舉而感格承休使其德澤奔精照夜高燎燭晨

下下及黎庶也德自上而下故曰降德奔精照夜高燎燭晨

祠祠常有流星經於祠壇燎焚柴也燭燭也言焚柴之煙達

也于晨陰明浮爍沈滌深淪言宋為水德而主辰故陰明之

也水曰沈滌告成大報受釐元神釐福也告其成功以報于

祭音詠

祭音詠

也月御案節星驅扶輪言天神降月御為之遙興遠駕曜

曜振振興起也神起於天故云遙興下至於地故云遠駕曜曜振光明威盛貌

樂府四首古本無君子行作三首

古辭凡古詩不知作者姓名皆此類

○飲馬長城窟行五言長城蒙恬所築也言征戍之客至於長城而飲馬其婦思之故為此

也行

青青河畔草。絲絲思遠道。言良人行役以春為期期至不來所以增思絲絲心不絕也

遠道不可思。宿昔夢見之。夢見在我傍。忽覺在他鄉。他鄉

各異縣。展轉不相見。枯桑知天寒。入門各自

媚。誰肯相為言。知謂豈知也枯桑無枝葉不知天風海水不疑凍不知天寒喻夫在遠不知婦之憂

戚也雖有親戚之家皆入門而自愛誰相為慰安者乎客從遠方來。遺我雙鯉魚。呼

兒烹鯉魚。中有尺素書。魚者深隱之物不令漏洩之意尺素絹也古人為書多書於絹長

跪讀素書。書中竟何如。上有加餐食。下有長相憶。何如謂何言也

○君子行五言平調言君子之道宜守謙貞不履見猜之地瑟有三調平調清調側調此曲處於平

調一本無此篇

君子防未然。不處嫌疑間。瓜田不納履。李下不正冠。履疑盜瓜不正冠疑盜李取

嫂叔不親授。長幼不比肩。授謂傳物也勞謙得其

柄。和光甚獨難。易云勞謙君子謙者德之柄老子云和其光同其塵言此理甚難明周公下

白屋。吐哺不及餐。一沐三握髮。後世稱聖賢。白屋庶人居也若此之人

周公皆謙下之每一食三吐哺一沐三握髮後世乃稱為聖賢耳

○傷歌行五言側調

昭昭素月明。暉光燭我牀。憂人不能寐。耿耿夜何長。毛詩日歌

歌不寐如有隱憂微風吹閨闈羅幃自飄颺闈內門也攬衣曳長帶徒

履下高堂東西安所之徘徊以彷徨春鳥翻南飛翩翩獨

翱翔悲聲命儔匹哀鳴傷我腸感物懷所思泣涕忽霑裳

佇立吐高吟舒憤訴穹蒼天形穹隆而高其色蒼蒼故云穹蒼

○長歌行五言平調言當早崇事業無貽後時之歎

青青園中葵朝露待日晞陽春布德澤萬物生光暉常恐

秋節至焜胡本黃華葉衰焜黃色衰貌至暮年志氣銷歇也百川東到海何

時復西歸言年一過不可再來少壯不努力老大徒傷悲

○怨歌行五言古有此曲而班婕妤擬之趙飛燕寵甚婕妤失寵故有是篇

班婕妤左曹越騎校尉况之女彪之姑少有才學

大幸為婕妤婕妤后妃之位名也

下高堂東面安所之備制以彷彿春鳥翻向飛翩翩獨  
朝期是時合傳其來思傷其體感物懷所思泣忽寤  
行立吐高吟舒情豁苦春  
○長歌行  
青園中燕朝露待日晴陽春在德澤鳥物生光輝常恐  
秋節至耀本朝芳華葉  
時復西歸不  
○怨歌行  
血  
大  
后





